

समा. 09.20 Hrs

Headlines

1. उपराज्यपाल मनोज सिन्हा होरें प्रदेश वन्यजीव बोर्ड दी 6मीं बैठक दी अध्यक्षता कीती- केई परियोजनाएं लेई मैहकमे दी मंजूरी- जाम्बू -जू ते घराना वेटरलैंड च गतिविधियें गी बढ़ावा देने पर जोर पाया।
2. उपमुख्यमंत्री सुरिंदर चौधरी होरें 29मीं यू.टी बिलियर्ड्स स्नूकर चौम्पियनशीप दे समापन समारोह च हिस्सा लैता। आखेया सरकार जम्मू-कश्मीर च खेड्ड ढांचे गी अंतराष्ट्रीय स्तरै दा बनाने लेई जतन करा रदी ऐ।
3. नमें बरे दे जश्न कोला पैहले बन्ने कन्नै लग्गदे इलाकें च सुरक्षा बंदोबस्त निग्गर- बन्ने पारा घुसपैठ दी शैंका दूर करने लेई आधुनिक उपकरणें ते A.I दी मदद कन्नै निगरानी कीती जा रदी ऐ।
4. पत्नीटॉप सनासर विंटर कार्निवाल अज्जै थमां शुरु होआ रदा ऐ। पंजाबी गायक निंजा अपने गीतें राएं सैलानियें दा करोग मनोरंजन।
5. जम्मू-कश्मीर च ठंडू दा प्रकोप बरोबर जारी- जम्मू ते एहदे आहले दोआले दे इलाकें च घनी धुंध कारण आम-जनजीवन प्रभावत- मौसम विभाग नै अज्ज किश थाहरें हलकी बरखा दे इमकान दस्से न।

<><><><><><>

उपराज्यपाल मनोज सिन्हा होरें कल लोकभवन च वन्यजीव बोर्ड दी 6मीं बैठक दी अध्यक्षता करदे होई केंई परियोजनाएं लेई मैहकमे दी मंजूरी दिती- जिंदे च जल-जीवन मिशन दे कम्म-सीमा सुरक्षा चौकियां- फोर-जी दी सब्भनैं थाहरें उपलब्धता- बिजली सप्लाई दी तारें दे लंगने दी मंजूरी- मैहकमा बागवानी दियें नर्सरियें लेई मंजूरी ते ल्हास पौने बारे सौहगा करने गितैं सरिस्ते लेई क्लीयरेंस बगैरा शामिल न। एहदे इलावा बैठका च वन्यजीव संरक्षण सरबंधि उपाएं- जंगली जानवरें दे माहनू पर हमले जनेइयें घटनाएं दे प्रबंधन सरबंधि मुद्दें पर बी गल्लबात कीती गई। एल.जी होरें विशेष तौरा पर जैविक बन-सबन्नता दे टिकाऊ प्रबंधन- कुदरत दे अनुकूल सैलसफा गी बढ़ावा देने- जिंदे च प्रोत्साही गतिविधियें टकोहदा करियैं स्कूली बच्चें गी शामिल करियैं बढ़ावा देना शामिल ऐ- पर बी जोर दिता- जियां जे उनेंगी जाम्बू-जू होकर सर ते घराना वैट्लैंड पिकनिक पर लेना वगैरा। बोर्ड आसेया मीटिंगें च जानकारी दिती जे हंगुल दी अबादी जेहड़ी 2008 च छड़ी 127 ही अज्ज 2025 च 323 होई गेदी ऐ।

<><><><><><>

JKPSC Report

जम्मू-कश्मीर लोक सेवा आयोग (JKPSC) नै 2024-25 बरे लेई अपनी 66मीं सलाना रिपोर्ट जम्मू लोक भवन च उपराज्यपाल मनोज सिन्हा होरें गी पेश कीती। आयोग दे चेयरमैन अरुण कुमार चौधरी हुंदी अगुआई च उपराज्यपाल हुंदे कन्नै मलाटी दौरान JKPSC दे प्रतिनिधिमंडल नै प्रमुख प्रशासनिक सुधारें पर लौऽ पाई ते आयोग दे कम्मकाज बारे जानकारी दिती। उपराज्यपाल होरें ईमानदारी दे उच्चे मानकें गी बनाई रखने ते इक निरपक्ख योग्यता आधारित

ते पारदर्शी चुनां प्रक्रिया गी बनाने आस्तै JKPSK दी सराहना कीती। आयोग दे चेयरमैन चौधरी होरें मेदवारें लेई औने आहली SMS अधिसूचना प्रणाली सनें तकनीकी पैहलकदमियें बारे जानकारी दिती। पेश कीती गेदी रिपोर्ट च विभागीय तरक्की- भर्ती नियम ते बरे दौरान कीते गेदे चयनें गी बी शामिल कीता गेदा ऐ।

<><><><><><>

Dy. CM Sports

उपमुखमंत्री सुरिंदर चौधरी होरें आखेया ऐ जे जम्मू-कश्मीर सरकार इत्थै खेड्डें गी बढ़ावा देने बक्खी चेचा ध्यान देआ रदी ऐ ते केन्द्र शासित प्रदेश दे सब्बनें जिलें च अंतराष्ट्रीय स्तरै दा खेड्ड ढांचा विकसित करने लेई पूरी चाल्ली वचने बज्झी दी ऐ- तां जे युवा खडारियें गी कुल संसारी सतह दे खेड्ड मकाबलें लेई तयार कीता जाई सकै। कल जम्मू दे एम.ए स्टेडियम च 29मीं यू.टी बिलियर्ड्स एंड स्नूकर चैम्पियनशिप 2025 दे समापन समारोह च बतौर मुख परौहने शिरकत करदे होई उपमुखमंत्री होरें चैम्पियनशिप दे जेतुएं ते होरनें प्रतिभागियें गी सम्मानित बी कीता। तौंआई उनें पैहली जनवरी 2026 तोड़ी चलने आहली 17मीं जूनियर रोल बॉल राष्ट्रीय चैम्पियनशिप 2026 दा औपचारिक उघाटन बी कीता ते आखेया.

<><><><><><>

High Alert

जम्मू-कश्मीर च नमें बरे दे जश्न-समारोहें गी ध्यानै च रखदे होई अंतराष्ट्रीय बन्ने ते नियंत्रण रेखा पर बी हाई-अलर्ट जारी करी दिता गेदा ऐ तां जे बन्ने पारा कुसै चाल्ली दी बिघ्न पाने दी

कोशश गी नाकाम कीता जाई सकै। कठुआ- साम्बा- अखनूर- गुरेज- उड़ी- करनाह ते टंगधार सैक्टरें च चेचे तौरा पर सुरक्षा बंदोबस्त निगगर करदे होई दिन-रात गश्त- डिजीटल सरिस्ते राए निगरानी- आधुनिक तारबंदी ड्रोन ते रोबोट उपकरणों दी मदद कन्नै सारे इलाके च हर नकलोहरकत पर नेइमी तक्क रखी जा रदी ऐ ते बन्ने पारा घुसपैठ दी कुसे बी कोशश गी नाकाम करने लेई उत्थे तनात बल पूरी चाली त्यार न। जिनें इस बारे आकाशवाणी कन्नै गल्ल करदे होई आखेया.

<><><><><><>

Year Ender Reforms

बरा 2025 भारत दी वैश्विक यात्रा च ऐतिहासिक रेआ- जेहदे च प्रधानमंत्री नरेन्द्र मोदी होर इक प्रमुख अंतराष्ट्री शख्सियत दे रुपै च उब्भरे। कुल संसारी आर्थिक ते भू-राजनीतिक अनिश्चितता दे चलदे भारत नै महत्वपूर्ण आर्थिक सुधारें ते दुनिया भरै च बपार सरबंघें दे विस्तार दे चलदे सकल घरेलू उत्पाद दी 8 इशारिया 2 फीसदी दी मजबूत विकास दर हासल कीती ऐ। भारत नै ब्रिटेन- EFTA देशें- ओमान ते न्यूजीलैंड कन्नै बड्डे मुक्त बपार समझौतें पर दस्तख्त कीते न- जेहदे कन्नै भारतीय उत्पादें लेई नमें बजार खुल्लगंन। सुरक्षा आहली बक्खी भारत नै आतंकवाद खलाफ सख्त रौं अपनाए दा रक्खेया ते आप्रेशन सिंदूर दौरान इसी व्यापक अंतराष्ट्री मान्यता हासल होई। प्रधानमंत्री मोदी होरें रिकार्ड 29 अंतराष्ट्री पुरस्कार बी इस दौरान हासल कीते ते केई विदेशी संसदें गी सम्बोधित करदे होई “ग्लोबल साउथ” दी आवाज गी होर अगगे बधाया। दुनिया दे नेताएं ते कुल संसारी विचारकें उंदे नेतृत्व दी सराहना करदे होई कुल संसारी मंच पर भारत दे बधदे प्रभाव गी उजागर कीता।

<><><><><><>

Winter Carnival

अज्ज शुरु होआ रदे पत्नीटॉप -सनासर विंटर कार्निवाल लेई तयारियें गी मुकदा रुप देई दिता गेदा ऐ- जिस दौरान इनें दौनें थाहरें पर ठंडू दे मौसम च गीत-संगीत ते मौजमस्ती दा पूरा बंदोबस्त कीता गेदा ऐ। नमें बरे दे सुआगत गितें आयोजित कीते जा रदे दंऊ दिनें दे इस समारोह च नाच-गाना- मनोरंजन ते साहसिक गतिविधियां ते बर्फू कन्नै खटोए दे आले-दोआले दे मझाटे खाने-पीने दी बवस्था बी कीती गेदी ऐ। इस आयोजन बारे जानकारी दिंदे होई सैलसफा प्रचार दियें डिप्टी ड्रैक्टर सविता चौहान होरें दस्सेया.

आयोजन गी मता यादगार ते तगड़ा बनाने लेई मशहूर पंजाबी गायक निन्जा गी सददेया गेदा ऐ। देश भरै थमां सैलानियें गी इनें पहाड़ियें दी गोदा च आइयें नमें बरे दे मौके पर इक बकखरा नंद मसूसने लेई साददा दिता गेदा ऐ।

<><><><><><>

Katra New Year Rush

नमें बरे शा पैहले जहारां बद्धे श्रद्धालु रियासी च त्रिकुटा पहाड़ियें च स्थित श्री माता वैष्णो देवी हुंदी पवितर गुफा च मत्था टेकने आस्तै पुज्जा करदे न। सर्द ब्हाएं ते बदलदे मौसम दे बावजूद गर्म टल्लें च लपटोए दे मते सारे श्रद्धालू कटरा आधार शिविर थमां पैदल यात्रा करा रदे न। हर रोज औने आहलें यात्रुएं दी आमद 20 जहार शा 26 जहार दे बिच्च दर्ज कीती जा रदी ऐ- जेहड़ी नमें बरें दी आमद आहली भीड़ गी दर्शादी ऐ ते एह गिनतरी 70 जहार तोड़ी पुज्जने दी

मेद ऐ। अधिकारियें आसेया यात्रा गी बवस्थित बनाने आस्तै सुरक्षा- भीड़ प्रबंधन ते ट्रांसपोर्ट सनें इंतजामें गी होर निगगर करी दिता गया ऐ। श्रद्धालुएं गी गुजारिश कीती गई ऐ जे ओह दिशा-निर्देशें दी पालमा करन ते उपलब्ध स्थूलतें दा इस्तेमाल करियै तीर्थ-यात्रा दा परेशानी बिजन अनुभव हासल करन। किश श्रद्धालुएं अपने तुजुर्बे सांझे करदे होई आखेया.

<><><><><><>

Weather

जम्मू प्रांतै च ठंडू दा प्रकोप बरोबर जारी ऐ। जम्मू शैहर ते एहदे आले-दोआले दे इलाकें च अज्ज बड़लै बी घनी धुंध कारण आओ-जाई च टकोहदा करियै गड़्डी चलाने च दिक्कत पेश आवा करदी ऐ। बड़लै सैर करने आहलें दी गिनतरी बी दना घट्ट दिक्खी गई ते कैई थाहरें लोकें गी अगग बाल्लियै ओहदे चबक्खियां बैठे दे दिक्खेया गया.

तोंआई मौसम विभाग नै अज्जै थमां जम्मू-कश्मीर दे कैई इलाकें च बरखा दे आसार दस्से न। मौसम विभाग दे डरैक्टर मुख्तार अहमद होरें आखेया.

<><><><><><>